

5563.8
2924
v.1

書 跡

臨齋集

3

卷一

卷一

BERKELEY
LIBRARY
UNIVERSITY OF
CALIFORNIA

04B10

臨齋先生文集目錄

卷之一

詩

工夫

書室獨坐

偶吟

松

階竹

憑欄

苦暑坐北窓

九日過梅溪

晴晨

和具文瑞史魯養氣吟

性命吟呈具應瑞祥天

浮石菴和趙息懋命和

登洛東觀水樓敬次退溪先生韻

七月既望與具景伯祥春諸友泛舟花潭

東京懷古

與韓穉源登鳳凰臺

具呈瑞挽

登南漢西將臺

驪州清心樓次板上韻

過恭儉澤

步太學明倫堂杏壇下

族大父有賢挽

退自函筵吟一律示諸益

贈崔直夫敬休

贈權文五最萬

口呼次權丈長夏韻

登隱跡菴後臺有感

偶吟

謹次容軒李文文煥大明紅韻

看山

和趙憲懋自嘲詩以解嘲

九日登鳥嶺

贈別朴友

荳

贈別金聖源

正洙

謹次先生枕上得句

謹次先生贈永韻

三首

伏呈先生

自鷺湖發還

呈邁坪族丈

元模

與洪福卿

一清洪注書一衡洪得老用觀登

東山

告別先生

步先生韻贈別李士蘊

長姊夫具公

衡魯挽二首

先師挽

二首

和族叔聖極

斗欽

夜枕無眠與李雙皋

圭洛同賦

偶吟

謹次容軒李文

文煥

大明紅韻

看山

和趙憲懋自嘲詩以解嘲

九日登鳥嶺

贈別朴友

芷

贈別金聖源

正洙

謹次先生枕上得句

謹次先生贈示韻

三首

伏呈先生

自鷺湖發還

呈邁坪族丈

元模

與洪福卿一清洪注書一衡洪得老用觀登

東山

告別先生

步先生韻贈別李士蘊

長姊夫具公

衡魯挽二首

先師挽

二首

和族叔聖極斗欽

夜枕無眠與李雙臯

圭洛

同賦

菊下漫吟

秋景

九日登前山

偶吟

分叢菊

先師遺稿編摩時口次韓立軒一絕

次台窩具丈

齊魯韻

謹次族叔菊塢公宅烈韻

與具景伯作東都行過解顏

謁仁山書院

與蕭齋趙公有鷺湖舡遊之約而滯雨泮中

罔克赴會追步軫中韻

送尹進士錫僖歸鄉

同石村宋公達洙次玉山溪亭板上韻

作公山行至法聖洞鳴淵

念佛菴一人石

長髻竹林書院奉安九菴先生影幀與宋能

一將觀海至乙溪金舜瑞棟臯家滯雨多

日客懷無聊拈得栗谷集中題金沙寺韻

族從德一將搬寓退溪詩以贐之

徐善燦挽

崔祿膺自隱菴歸有詩步其韻

尹處士

夏善挽

別地主金侯

炳愚

守東齋與宋海寄

殷成

共次耕雲徐公

憲淳

重九韻

耕雲徐公還朝日步諸儒韻以呈

萬東廟請復事將爲

日

閣之舉與道內諸

章甫同行過鳥嶺

竹山嚴木亭拜先師墓

拜全齋任丈於全義廬場其第三胤以五歲
童子而手不近胡錢者能知尊攘之可嚴
夷虜之可醜此其義理得於天植者而亦
身教之有素也任丈曾有詩爲余誦之臨
發謹次以呈二首

姜友吉承來訪

霽後

箭灘

崔氏谿亭畱別申鉉穆張永淳鄭南鎮

題家藏海左全圖障子

偶吟

五言六言

浮屠菴過歲

官學院示諸生

朴正五以有所患爲題寄一律卽步以呈

正五次李白紫極宮詩寄示疊步以呈

過鷺湖二首

三月八日往烏岑拜先師墓

夜坐

賀禹聖錫

成圭

回甲生男

狎鷗亭與一鄉諸友會話

辛卯端陽月方伯東蓮李公鑄永設鄉飲禮

于觀德堂戒以賓禮成後同賦

出都城

渡漢江

龍院途中

達川忠烈祠

安保溫泉

嗽玉亭

鄉校講會方伯東蓮李公地主敬堂李公意

翼皆臨講同賦

謝東蓮李公臨訪

朴果齋正五挽

山亭

次李應文松石韻

敬堂李侯解紱將歸東蓮李公設餞謙于詠

歸亭赴會共賦

餞別東蓮李公

蔡致賢廷楨挽

許進士鉅挽四首

次李戴堯億祥日新亭韻

和楊繼善靈岳八難詩

裴季卿貞祿挽

蔡亨若廷駟挽二首

次敬止亭韻

族弟孝源挽二首

與禹聖錫成圭李器汝種杞諸人舟遊洛江

賞花臺會者八十餘人武夷九曲詩分韻

得荒字

舟遊後沿江登暎碧亭次板上韻

映碧亭次器汝臨別詩

夫仁洞講舍

美岱盛才書堂

桐華寺

島峯齋

卧龍亭

山隔龍潭齋與崔勉菴益鉉同賦

龜巖齋講會與勉菴同賦

李觀察聖烈在府日送三絕詩卽次呈三首

病不成除夕會拈春字賦古詩呈月村諸老

友

洛東精舍新成

禹慎默齋啓東挽

登達城

次禹聖洪東範壽爵韻

賞花臺觀漲

贈別申鉉穆晦仲

次尹文汝殷普回甲韻

次禹文謙在東壽韻

金公純錫熙甲宴韻

贈送徐仁奎二絕

卷之二

疏

請萬東廟復設疏

書

上梅山洪先生 ○五

上肅齋趙公 東惠 ○十

上鼓山任公 愚晦 ○九

上鰲谷洪公 一純 ○三

上錦谷宋公 來熙 ○二

上守宗齋宋公達詩

答韓立軒運聖○七

與蘇仁山輝冕

答金重庵平默

與崔勉庵益鉉

卷之三

書

上獻齋朴相公珪壽○二

上心菴趙相公斗淳

上桂田申相公應朝○二

上立齋宋相公近洙

上海藏申判書錫愚

上徐判書憲淳○三

上徐輔國憲淳

答李判書參鉉○二

答李輔國載元

與徐判書相昂

與徐判書承輔

與閔判書泳穆

與徐輔國相雨

與趙叅判秉學

答李判書道宰○三

與洪承旨時衡

與尹叅判泰興

與尹方伯滋承

與金方伯明鎮○二

與李方伯鑑永○四

與李方伯容直

與李方伯重夏

與地主李侯聖烈○二

答嚴方伯世永

與地主金侯炳憲

與地主李侯輔仁

與地主李侯鶴年

與地主李侯範善

與李承旨熹翼

答洪承旨用觀 ◇ 五

與朴校理海淳

與沈金山琦澤

與沈河陽定澤 ◇ 二

與權兵使用哲

與朴慶山義升

答安中軍周璫

卷之四

書

答白樵姜丈鎮○二

答容軒李文文煥

與止軒崔丈孝述

答石千齋韓丈公翰

答朴叅奉頤休○二

與朴正五海奎○四

與禹聖錫成圭○三

答姜吉承來永

答李雙臯圭洛

答尹六五亭夏善

答鄭國喬奎元○三

答鄭舜文鳳元○二

與田彝叔秉純○二

與李士蘊鎮玉

答崔百源孝淑○二

答盧贊公龍奎

答李戴堯億祥〇二

答安善膺永集

答趙經汝聖權

答李君明公旼

答禹可會秉鍾

與南士應字一

答申濟模

答黃同輔蘭善〇二

答裴李卿貞祚

答李都事

種杞

答孫聖闇

廷闇

答禹聖聚

海纘

答崔國彥

著述

答崔子順

皆教

答李啓道

承熙

答徐進士

在正

與蔡禹成

錫玄

答鄭先達

大元

答鄭君伯

昊淳〇二

答韓極瑞 動星

答禹 宅龍

答李希彥 柄品

卷之五

書

與具景伯 祥春公四

答朴性綱 冕東

答李釋王 錫奎

與趙德懋 命和

與孫敬寬 廷禹

答申希道海鎮

答郭仲貫致道

答沈士行誠之

與蔡致賢廷植

答崔善汝慶發

答都致範鎮洪

答朴而善敦永

與韓循汝道裕

答朴元吉亨求

答洪文杓理禹

答姜文一進奎

答金體一萬壽

與李聲振玄祿

答李聲遠鐸謨

答朴元淑洪默

答朴性容元默

與李愿淳東裕

答安聖化敬鉉

答鄭闇敬

與申進士泰興

與徐

相宇

答洪承旨

時模

答趙承旨

忠熙

與洪注書

大厚

慰洪

顯庠

答韓仲卿

錫瓚

答李鳳直

圭鳳

答韓

麟源

答田

相洛

答鄭舜協

華述

答申衡王

漢斗

答崔濟敬

灤

答郭道彥

守常

答李聖弼

熙憲

答崔和集

鳳實

答白華王

鑾洙

答蔡鳴國

煥鳳

答曹忠可

有贊

答柳

遠重

答曹景行

秉夏

答沈漢朝

宗澤

答沈敬夫

宜燾

與崔文叟

嶂

答裴學三

在煥

答成舜哉

璣運

答鄭衡七

璣淵

答郭士彥

守斌

答孫謙叟

柄鉉

答宋繼祖

鍾述

答金敦夫

重鉉

答金潤汝海林

答鄉校會中

答夏士涵泳極中 祥洛

答下守南諸友

與南山洞人

卷之六

書

與朴昇東義初〇二

答李華祥載重〇三

答禹夏轍汝七〇二

答具達書

士洪

答金錫泳

致範〇二

答李相軫

廷顯

答李柄運

德七

與禹成東

大建

答尹奉周

明肅〇二

答禹孝禹

教彦〇二

答尹永植

錫老

答禹夏昌

武賢

答楊在輝

希道

答具昌書文汝

與李定祥舜一

答杜僖賢道原

答金錫龍敬緝

答禹纘基大有

答杜相賢道一

答李柄達德漸

答孫致鵬翼溟

答全斗漢仁澤

答禹夏教允欽〇二

答林載鉉 致華

答李鍾澤 子宣 〇二

答金岡 致壽亨

答全柄坤 得中

答柳載坤 亨基

答黃甲性 乃命

答朴桂晟 明重

答張永淳

答申鉉穆 晦仲 〇二

答杜炳夏 忠伯 〇二

與金榮基致珠

答金容鎬元巨

答金永振德遠

答沈能沂善與

卷之七

書

答崔栢膺可允〇二

答安暉〇二

答禹圭煥舜謙

答李圭駿叔賢〇二

與申壻漢朝靈伯○二

答李善炯善行

答朴昌鎬
◇二

答禹壻夏績汝九

答孫廷頊大勛廷台舜日

與李極壽錫老

答李商述

答金昌芸

答李柄燦

答鄭圭德

答申東烈道卿

答鄭繼憲

答趙曦濟明秀

答表鍾玟和口

與鄭海錫曾錫

答朴純鎬德文〇二

答鄭奎錫士洪

答金教淵聖燦

答金福洪致五

答崔英述子玉

與鄭明錫仲華

答曹瑛文甫

答梁慶龍雲卿

答金在鉉德弼象鉉德可

答李在王子縉

答金容瀚德爵

答金達景三

答李鍾洛明彦

答李甲壽

答鄭惟本

答張永壽

答金永善

性甫

答禹濟弼

疇汝

答李汶祥

乃憲

答申鉉求

自如

與金文燮

會輔

答孫壻崔相鎬

仲武〇二

答外孫申台植

答外孫申庭植

與申鉉求

應七

答龜巖齋諸生

卷之八

書

上親堂

上周南族祖

元模

答蓮渠族兄

秉坤

答族兄

在憲

答族叔聖極

斗欽

答族弟天若

字坤

答族叔葵善

奎欽

答族弟福汝泳坤

答族進士煥

答族侄德一鍾睦

與族弟百順孝源

與族弟萬奎台應

與族弟光瑞泰坤

與族侄鎮甫周甫

與族侄公甫錫輔

答族叔丙彥致彥

與族從士弘在吉

答族弟翰基伯詹

答族侄仲蘊錫華

答族叔周烈孟衣

與族孫範洙應天

與族侄品鎬武卿

與族人國賓載典

答族侄錫淳璉五

答族從貞欽吳景

與族人碩基宅汝

答相元寬敬榮諸宗

與諧珩僉中

答山隔族中

答山隔僉中

與從侄錫龍雲瑞

寄兒鎮國○二

寄兒鎮穆○三

寄兒鎮溪

寄兒鎮馨

寄孫兒甲洙○二

寄孫兒健洙○二

卷之九

雜著

就正錄

卷之十

雜著

記行

排憂說

金君榮鉉孝行說

書贈金卿禮基藥

書贈金君德符

書贈郭君東秀

書贈徐仁圭

嶠省堡議

卷之十一

雜著

謾筆

雜記

官學院十規

大邱各面學規節目

鄉約條規

洛東精舍約規

講規

堂約

大邱徐氏義庄約

梅山先生經禮說九例

送甲孫放榜

卷之十二

序

孔川遺稿序

肅齋趙公六十一歲壽序

巡相徐公六十四歲壽序

景仰稷序

南陵序

送黃父吉歸小白序

海史序

送安輔卿序

八下序

鄉飲禮序

東蓮李公餞別詩集序

永川李氏派譜序

長淵盧氏族譜序

小心齋集序

勸學遺訓錄序

徐孝子弼元行錄序

獨茂巖棲楔帖序

警言情齋遺集序

鶴泉亭青襟錄序

學楔序

正峯集序

仁山齋學楔序

送崔可允歸伊溪序

鄭君光五六十歲壽序

慶州崔氏詒譜序

講學稷序

卷之十三

記

歸隱洞記

龍石亭記

知足軒記

靈曜樓記

起龍齋記

永慕齋記

龜巖齋記

永慕庵記

日新亭記

瞻栢堂記

東溪遊記

孝子朱君

秉夷

旋閭記

棲山齋記

無適齋記

感慕齋記

景陶齋記

擇窩記

忍齋記

酌川亭記

瞻楸齋記

仙遊洞陶菴李先生影閣記

東湖觀記

二樂堂記

先德齋記

耕讀窩記

八水亭記

卷之十四

跋

溪東集跋

題葆藏帖

書秋溪秋氏闡先錄後

題英安全公書實記後

書崔夫人孝烈錄後

野軒實錄跋

題平壤圖後

家藏筆帖跋

鳳村集跋

題鄭逸史恭源遺稿後

題金君家範後

書公洛會遊錄後

玉山全氏族譜跋

書崔和集孝行錄後

書鄭孝子行錄後

書李載重金剛錄後

書金君鍾潤遺稿後

書孺人崔氏行錄後

題筆帖後

書先師梅山先生經禮說後

卷之十五

告祝文

尚賢祠奉安金判書學性影幀文

新溪書院奉安雲石趙文忠公庚求文

新溪書院奉安曉雲樓金公會淵文

龜巖書院龜溪四佳涵齋藥峰四先生位版

移安告由文

伊江書院樂禔先生位版煙安告由文

家廟移奉告由文

清州水落影堂益齋李先生春秋常享祝

龍淵祈雨祭文

守東齋開基祝

伊川先墓改豎碣告由文

祭文

祭梅山先生文

祭先生墓文

祭鰲谷洪公文

祭姊夫具公衡魯文

祭族叔菊塢公宅烈文

祭外舅曹公錫鼎文

祭韓立軒運聖文

祭秋湖具景伯文

祭姊夫尹公商成文

祭從兄祥奎文

祭仲姊尹氏婦文

祭申壻靈伯漢朝文

祭朴果齋海奎文

祭妹壻孫應一文

哀辭

李童子五惇哀辭

卷十六

墓碣

月軒沈公墓碣銘

克齋李公墓碣銘

進士具公墓碣銘

惺窩禹公墓碣銘

司憲府執義 贈吏曹判書孔公墓碣銘

晚拙齋林公墓碣銘

恥窩張公墓碣銘

梧崗徐君墓碣銘

梁都事墓碣銘

逸軒金公墓碣銘

學生徐君墓碣銘

禹敎官墓碣銘

墓表

十二代祖察訪府君墓表

十一代祖處士府君墓表

縣監李君墓表

嘉善大夫梧齋田公墓表

嘉善同中樞尹公墓表

同樞李君墓表

星州李氏世葬阡表

加沙洞阡表

卷之十七

行狀

主簿徐公行狀

仁村禹公行狀

蘭樵李公行狀

直養齋安公行狀

三川鄭公行狀

教官申公行狀

樂山朴公行狀

傳

烈婦申氏傳

附錄

墓碣銘 并序

祖考臨齋府君家狀
謹書臨齋徐公家狀後

臨齋先生文集

卷七

七

臨齋先生文集目錄

陸齋先生文集卷之一

詩

工夫

壬寅

學要多見識，思欲盡精微。進進殫吾力，終期聖與歸。

書室獨坐

山齋閑寂少人過，盡日看書半掩扉。靜裏分明觀物理，飛潛動植自天機。

偶吟

萬里雲長鵬刷羽，九州風卷驥輕蹄。收藏浩氣靈臺淨，滿室琴書自整齊。

松

盤根托厚地直幹拂雲霄
百卉春同茁歲寒見後凋

階竹

滿山風雪裏列砌數竿清
羣芳同一態惟君不俗情

憑欄

幽情山共靜神氣竹同清
盡日憑欄坐雲烟暮壑生

苦暑坐北窓

邀月看書好引風做夢宜
如吾風月伴吟弄兩相宜

九日過梅溪

九九風光爽我標短歌雙笛動
楓林百年山水前期

在此日停驂却會心

晴晨

梅萼欲傳春意
惠雲光微露月
精神聊知夜雨
山腰過老樹欹崖濕半身

和具文瑞

史魯養氣吟

二五之精太極真
惟人稟受本然純
若令善養如先聖
終得乾坤合一身

性命吟呈具應瑞

祥天

一元渾具分形後
萬象森羅統體時
惟聖神人能會此
千秋卓爾問其誰

浮石菴和趙息懋

命和

朝朝湖上寺多謝報瓊頻醉興逢春足閒情得月新
風流談古士詩禮擅今人鄒魯吾南國癡疎笑一身
登洛東觀水樓敬次退溪先生韻

登樓春作伴光景賀東君嶷嶷仁山屹滔滔智水分
天涯遙去鳥海際淡來雲有術觀瀾處游魚漾錦文

七月既望與具景伯

祥春

諸友泛舟花潭

滿江秋氣夜澄清一葉風流載月明虛度百年堪可
惜不須漫浪醉還醒

東京懷古

周覽東州倦我行烟荒草沒舊王城塵寰變態灰千劫遊子羈懷酒一觥

與韓穉源登鳳凰臺

憶曾臺上鳳凰遊客馬蕭蕭一小邱鳳鳥不來臺已古蒼茫往事水東流

具呈瑞挽

落木蕭蕭水泱泱忽聞丹旆古山陽忍道君家悽愴事孤兒孀婦老爺孃少慰吾君身後業學源才調足文章嗟乎已矣云胡奈天意茫茫只可傷題挽未成臨壙願舊情新恨淚沾裳

登南漢西將臺

攀蘿緣壁上來遲歷歷風光似舊時
固國山河千仞郭祝君松栢万年枝
忠臣自有推三彥壯士何無出一奇
忍說當年含忍事書生慷慨獨吟詩

驪州清心樓次板上韻

寧陵雪栢遙瞻外
覽寺風鍾點指間
歲暮歸來南渡客
憑欄空羨白鷗閒

過恭儉澤

歸筇暫住立寒風
雲夢還疑在此中
界濶包容千谷注
流長漑得幾年豐
潛龍吹雨潭雲黑
暖日如春岸

夢紅他日歸鄉爭詫語碧琉璃色與天同

步太學明倫堂杏壇下

步回立懔恍風細動長纓無酒呼人醉有詩寫我情
地分千里遠月共兩鄉明此夜門前樹扶疎影子橫

吾家門外亦有杏樹故云

族大父有賢挽

憶從髫髻趨拜頻真純古味惟公獨家庭至行人無
間姻親懿德世皆服壽享九耄方驗仁庭超三世是
完福誰識巴山山下月遽然丹紼謝古屋從此吾門
無仰依晚生不堪慟一哭

退自函筵吟一律示諸

庚戌九月
在鷺湖時

尋數經旬短檠聯懸燈默坐淡如禪半塘水淨淘泥
後萬里程通立脚前入德先要看大學質疑時復侍
函筵世間至樂惟為善從此林泉誓百年

贈崔直夫敬休

磊落莘莘士虛心似不能盡簪吾此晚聞道子其曾
學海難容測師門已見稱一分湖嶺濶他日夢相應

贈權文五

最萬

嶺表奇男子清標獨出羣幾時同講榻回首望南雲

口呼次權文長夏韻

儒風日下正堪嗟，
似春園蝶鬪花。
浮世功名都幻
妄，不如高卧白雲家。

登隱跡菴後臺有感

白雲紅樹意悠悠，
半日登臨舊跡搜。
最恨吾生生太
晚，南來杖屨未陪遊。

丙辰先師覲親達府遊
賞于龍淵隱跡之間

偶吟

汪洋學海艤孤船，
取次吾行若有緣。
觀物眼通今古
世透精心入後先，
天百川照去非多月。
一索貫來卽
萬錢，此意分明知者少。
青山朝暮對悠然。

謹次容軒李文

文燠

大明紅韻

如何闢此九區田種得大明一朵傳天下護多閒草
木海東猶對舊山川盛周文物憑誰問故國繁華獨
爾憐榮瘁只看天理在春花秋葉度年年

看山

捲簾朝暮愛看山天地騁遊卽此間若使委身名利
窟終年難得一心閒

和趙息懋自嘲詩以解嘲

莫畏範驅登遠路莫畏撐篙逆灘渡從此校觀天下
壯願君努力進一步

九日登烏巖

千里長風登鳥道九秋佳節向龍山遙憐故國東籬

下數朶黃花待我還

龍山忠州地名

贈別朴

莛○在鷺湖時

離恨難將數句詩汀楓籬菊送行遲最憐夜夜湖心月別後茫茫兩處思

贈別金聖源

正洙

同門淡契弟兄儔道義相期老白頭唱罷驪駒山日仄一江秋色載歸舟

謹次先生枕上得句

舜跖未分念天鷄忽有聲百年徒鼎鼎何處是蓬瀛

謹次先生贈示韻

煙霞深鎖別區天
粧點南州好石泉
山水養人明訓在
畫來將祝百斯年

杖屨何年到達邱
宛留精彩六旬秋
南歸那得傳神手
一幅函筵掛卧遊

講罷函筵賞閣梅
一陽消息此中迴
偏被百年恩教重
淺誠無地報酬來

伏呈先生

泰岳當瞻万仞高
羣山羅列小如臯
元來大道非容易
千載吾東有幾豪

自鷺湖發還

出門如矢此歸心愧未移將嚮道渡一別遙遙江漢
路前期畱與好相尋

呈邁坪族丈

元模○壬子

淑氣走東溟周玉山峩峩秋雨老松桂春風長薇蕨
中有學仙翁翛然葆髭髮不問山外事呶唔送歲月
且存好心地畱與子孫貸我看聲利白萬事都恍惚
畢生吾有願夢想烟霞窟寸念惟慥慥獨力徒矻矻
塗道豈云遠尚未穿一襪可望不可見多慚車無軌
幸垂終始誨矯我質鈍拙

與洪福卿

一清洪注書

一衡

洪得老

用觀

登東

山

欲問春消息騎驢到洛陽
登臨何所見鷺水萬條楊

告別先生

世間無處可安身
聲利滔天誤幾人
那得移家西渡
漢百年長坐四時春

人生至樂德爲隣
但願長時奉履巾
親在南方師在
北一身徒自往來頻

步先生韻贈別李士蘊

西林山下好爲居
松桂春陰坐檢書
誰識箇中多少

榮願君無負立心初

長姊夫具公

衡魯

挽二首

十載南焚共食貧坦然談笑見心真
風輪一轉滄桑界萬口同嗟失善人

早春我有鷺江行携手相將過郡城
一別居然爲永訣恨吾終鮮謂誰兄

先師挽

山河正氣間生賢萬古綱常賴是全
一片東韓乾淨地紫陽心法獨相傳

鷺水長看明月在廣陵回首白雲渡
世間萬事渾無

賴千里來奔淚滿襟

和族叔聖極斗欽

匹驢春日問君居碧岫清江對小廬爲報瓊童琢重
意前期知在老湖渚

夜枕無眠與李雙臯圭洛同賦

松月依依影在東碧窓孤燭照心紅年來數學添新
課到處相携六七童

菊下漫吟

晚日山厨早稻香忽驚風雨近重陽却憐往歲遊京
國良苦茲辰夢故鄉舊業空將經世志新編課得攝

生方開樽味罷仍孤笑堪作林泉一散狂

秋景

野塘青草亂鳴蛙愛說當時夏景奢近日秋容生淡泊悠然佳賞在黃花

九日登前山

名辰且欲罷閒愁暫爾登臨作勝遊霜重東籬花正爛風高西塞鴈橫流無人遠送王弘酒有賦空悲宋玉秋盡日看楓尋古寺更迎明月上高樓

偶吟

乙卯

禽聲岳色齋居靜麥氣花風午夢酣賞世希音懷古

調攝生何似講同叅

分叢菊

籬下新叢寸許長
慇懃付與採盈筐
早時勤着栽培力
歲暮方看晚節香

先師遺稿編摩時口次韓立軒一絕

千篇遺集架虛樓
淺識靡堪了校讎
爭奈鄉山頻入夢
滿天風雨動羈愁

次台窩具文

膺魯韻

漫浪無為但送年
至心還愧說經禪
一生慷慨開樽笑
萬事繽紛閉戶眠
琴蓄古音藏壁右
書為長物在

身邊悵悵迷路吾誰與每仰千秋子與賢

謹次族叔菊塲公宅烈韻

南山松桂足棲遲用舍由來各有時皓首窮經尋所
樂一心相許古人知

與具景伯作東都行過斛顏

江村春酒醉人顏布機青鞋幾處山山海漫漫今去
路東風二月動微寒

謁仁山書院

大東今日戴周天賴我華陽義理傳客到溪山蕭灑
裏堂高風月霽光邊化成儒化三千里生晚吾生二

百年瞻拜丹綃仍寓慕巖巖氣衆尚依然

與肅齋趙公有鷺湖舸遊之約而滯雨泮中罔

克赴會追步軀中韻

趙公時在華藏寺與四方士友校勘先師遺稿

仙舟同載意中人人與清湖淡洗塵謾負佳期三夜

雨夏承和氣一團春此行如可從桴海今世誰能恥

帝秦義理多般論講地蘆漪古事感來新

蘆漪先師所居精舍

送尹進士錫僖歸鄉

青袍白首卧書樓豪邁如君邈與儔知有關西賢伯

起世間聲利等浮雲

同石村宋公達洙次玉山溪亭板上韻

行行山裏去快睹三峯圓書靜村堪畫洞深樹欲煙
亭臨蕭灑境人卧薜蘿天寄宿還多感函筵夏宛然
癸酉先師嘗止宿於是

作公山行至法聖洞鳴淵

架南奇絕擅鳴淵目擊還多口耳傳筇屐相羊今有
日林泉題品昔何年巨靈上在無形外元氣中分劈
畫前歸卧龜岑秋夢裏烟霞清想更森然
法聖洞是李陶菴手

書故第四句及之

念佛菴一人石

山遊忽復感前人壯節千秋竹帛新百丈苔痕開寶

座至今猶說舊王春

長髯竹林書院奉安元菴先生影幀與宋能一

將觀海至乙漭金舜瑞

楨臯

家滯雨多日客懷

無聊拈得栗谷集中題金沙寺韻

客枕支離午夢涼半旬霖雨首山陽吾行何日乘桴

去咫尺蓬洲万里長

乙溪有
首陽山

族從德一將搬寓退漭詩以贖之

己未

芳隣相接十經秋聚散翻驚歲月過攜手同歸何樂
土全家偕隱是良筭青燈可盡餘情緒素志無忘在
壑溝從此名辰君去後誰將風月共登樓

徐善燦挽

佳山名水好爲居
聲利場中夢覺初
蝸屋清晨梳洗
髮鹿門斜日讀
朱書更憐獨賞
瑤琴韻誰與同
觀曲沼魚達化
君應無有憾吾
私不禁淚漣如

崔祚膺自隱菴歸有詩步其韻

謾將軀七尺四十作書生
宇宙空談道男兒且讀兵
獨行吟苦楚相送坐班荆
客去門還掩蕭蕭落木聲

尹處士夏善挽

河濱仙鶴洞溪閑
白雲扉未遂平生志
人間萬事非

別地主金侯炳愚○壬戌

華扁泉石耀蓬廬
案有曾思兩部書
珠重巾車來訪地
尚畱餘馥襲人裾

守東齋與宋海寄

殷成

共次耕雲徐公憲淳重

九韻

癸亥

寸念孜孜恐負初
年來便覺一慵疎
滿天落葉依山屋
盡日埋頭讀古書
寒花初發客來初
夏看庭梧月影疎
遊子文章驚一世
散人志業在殘書

耕雲徐公還

朝日步諸儒韻以呈

乙丑

戀國每吟夢
老愁儉身常
穿屨叟來今
焉按事三年

久曾不容私一點留文藻如新
嶺上宅梓桑依舊達

南州從來繼述嘉謨在
聖代恩波永世流

公重修
蘄湖藥

峯舊宅而藥峯及公之再從箕淳氏
皆曾為嶺伯故第三聯及落句及之

萬東廟請復事將為叫
閣之舉與道內諸章

甫同行過鳥嶺

趙陞兼蜀閣左海有茲山莫說當年事一盃且解顏

竹山巖木亭拜先師墓

自廣州九壽
洞緬襄于此

來拜先生墓空山花獨明當年勤教在白首我何成

拜全齋任丈於全義蘆塲其第三胤以五歲童

子而手不近胡錢者能知尊攘之可嚴夷虜之

可醜此其義理得於天植者而亦身教之有素
也任文曾有詩爲余誦之臨發謹次以呈二首

世間扶義理天下有男兒山水先生宅清風獨採薇
春秋讀有地天錫麒麟兒屋後青山在春風長蔽薇

姜友吉承來訪

天寒歲暮子何之臨別人情老更知却憶前遊今并
載居然髮髮已同衰

霽後

單衫袂簾忽驚秋霽後郊涼入翠樓一洗塵埃看更
好佳山麗水盡吾州

箭灘

蒼茫古渡沉戈戟
蕭瑟寒洲滿荻蘆
匹馬斜陽回首立
江山歷歷盡難摸

崔氏谿亭畱別申鉉穆張先進鄭南鎮

爲送二三子偶來崔氏亭
披雲臨斷石流水映襟青

題家藏海左全圖障子

一片青邱海上浮
三韓無愧小神州
長安回首雲千里
不見義人使我愁

偶吟

南郭郊頭細路斜
小山殘水畫中家
淡然坐我清閒

界窓外寒梅未作花

五言六言

日晏醉眠起樵山又釣水野人勤訪過風俗話仁里
小蝸廬任卧起夕餐松朝飲水我亦羲皇上人人間
何處栗里

浮屠菴過歲

庚辰

弼中百感我心寒萬事年來做去難書與家人新歲
問幼孫釋子報平安

官學院示諸生

恨未當年實著跟鼻比溪愧抵吾楮諸君莫憚躋攀

力朝暮益益亦 聖恩

朴正五以有所思爲題寄詩一律卽步以呈

所思吟中所思心金蘭宿契老逾深行藏有命吾從
古事業無窮孰擬今徒守陳言非活法且將真諦更
叅尋清蟬在樹秋聲早懷仰高風獨不禁

正五次李白紫極宮詩寄示疊步以呈

寤寐思前修聲光青汗竹中谷倚蘭杜採採未盈掬
西方有美人悵悵余懷獨明月滿空庭那堪敦彼宿
上下千万世此身難再卜徘徊歲將暮佳期逝不復
請觀基一局局勢多翻覆著著無一錯然後局手熟

東坡蝸一屋清風數竿竹飢渴非所憂餐松寒泉掬
有生分有定貧賤豈余獨回首千古雄青山秋草宿
萬事只聽天不須筮與卜良友寄良箴薇盤圭三復
生憎今世人雲雨手翻覆同君共趨道車輕路亦熟

過鷺湖 二絕

憶曾慣渡鷺梁舟一夢遽然四十秋識面江山依舊
在風流雲散使人愁

村翁猶說舊書樓鳳翥亭西小巷頭江上行入悵
立汀花寂寂水空流

三月八日往烏岑拜先師墓

獨憐流俗日趨迷宇內無人譁魯齊
白首門生多感舊青山欲暮杜鵑啼

夜坐 己丑

禁府官人穿野衣回廊東畔竹雙扉
樨孫懶學終宵睡老僕勤樵趁暮歸
漲壑洪濤騰馬走連肝漁火顯螢飛
我衰不復當時志鷗夢江湖舊釣磯

賀禹聖錫成圭回甲生男

六旬年過又一年羣孫齊抱是空然
產翁之甲兒方產賢母其家子亦賢
寶彩新添崑上玉渦情更對水中蓮
白頭相羨嘲兼賀聊載詩編故事傳

狎鷺亭與一鄉諸友會話

西山東畔此孤亭柳綠沙明十里汀自笑馬卿長病
渴誰憐屈子獨吟醒塵中滾汨頭為白江上逢迎眼
忽青借此雲窗眠不得漁歌樵唱亦堪聽

辛卯端陽月方伯東蓮子公鑾未設鄉飲禮于
觀德堂戒以賓禮成後同賦

奎運東華漸復陽從今王道易觀鄉禮勤羣彥趨階
右忘貴崇班避席央雅樂三終歌以鹿儀文石備愛
其羊家絃戶誦知誰賜宣化南方召憇棠

出都城

終南漸遠隔 君門雙柏無端欲浹痕但願 聖明
如白日光華遍照萬千村

渡漢江

漢水登舟欲暮天鷺湖西望隔雲烟往事悠悠如昨
日居然四十二年前

龍院途中

駸駸夷教亂吾真爭道輪回億百身龍院道傍彌勒
佛千年何事閱行人

達川忠烈祠

惟公難得盡中尋忠義千秋一片心古木蒼松遺廟

在至今風葉動悲吟

安侯溫泉

三韓幾處有溫泉源出硫磺信似然地理茫茫靡一
定穴中蒸冷是何因

嗽玉亭

萬疊高山玉洞開披雲重到暫徘徊無憑當日題名
處依舊飛泉掛石臺

鄉校講會方伯東蓮李公地主敬堂李公

意羽異

皆臨講同賦

壬辰二月

二月東風柳絮飛芹宮鎮日講精微但將素志歸黃

卷莫以紅塵染白衣

謝東蓮李公臨訪

潑開茅廬萬念灰落花不掃自成堆傳呼柳巷兒童
走珍重籃輿按使來風義感公徐孺訪禮羅非我石
生媒東山從古登臨地圖畫春容一幅開

朴果齋正五挽

春首赤書至相歎歲月徂囂囂畎畝志進進閭階趨
孝友由天植容儀乃德符忽驚聯棣折世教復長吁

山亭

委曲沿溪一逕尋疎篁細柳立森森名花恠石爭呈

態好鳥清蟬各奏音時有閒雲留屋角更看明月印
塘心囂塵咫尺無闕我任聽天機養素襟

次李應文松石韻

人愛青雲子碧蘿閒壯得失較誰多
好名自是爲名累遯世何曾與世阿
石氣山光添畫景松聲澗響雜
樵歌箇中樂意農桑話時有村冠共對峨

敬堂李侯解紱將歸東蓮李公設餞讌于詠歸
亭赴會共賦 壬辰

委佩承 恩上玉堂悲秋惜別我懷長旄倪攔道爭
歌袴牙纛臨遙屬餞觴安得雙綃圖繪儼垂傳百世

姓名香寇君借願終無路衆魏懸情此去舩

餞別東蓮李公癸巳

疇昔公來重雪山南州遺化轉移間王家視似身

家政官海流同學海瀾此日居然湖上別他年宛爾

夢中顏喃喃時習賢佳子千里平安舞彩斑公有時

五歲矣來叅多士講會講
論語首章故落句及之

蔡致賢廷植挽

思君不見思悠悠愷悌其人孰與儔垂死難堪今日
恨餘生無復昔年遊黃鸝江上同吟雪狎鷺亭邊共
泛流萬事塵間曾一夢空標懸月更驚秋

許進士鉅挽

甲午

契合心同挹臭蘭滿腔惻隱見仁端一生獨享清閒
福棲寄烟霞茅幾巒

餘慶繇繇百世長分明此理信穹蒼公家自有裕昆
蔭雙秀庭蘭復襲香

玉潔其資金石音蘭芳之態桂薑心帝京仙侶相招
去沅水高山我斷琴

守歲南菴歲歲期雪窓燈照曉鍾遲今年不向南菴
去回首南菴使我悲

次李戴堯

億祥

日新亭韻

湖山勝處得爰居貽厥嘉謨肯搆初好月良朋時夜
半落花啼鳥午眠餘數間邁軸寒棲地一部治平大
學書除却塵寰多少事清閒心界復何如

和楊繼善憲岳八難詩

我聞先聖語後獲在先難詠君詩八難知君事事難
易易還不易難難自無難所以君子難多從易處難

裴李卿貞祿挽

年壽既高德又邵悠然獨自老江廬平生用力知何
在一部床頭大學書

蔡亨若廷駒挽已亥

庚朋世好復聯姻甘苦同情近八旬此日如何先我
去無從雙淚獨沾巾

君家子孝又孫賢貽厥嘉謨不失傳責償丁寧如左
契繇繇餘慶有蒼天

次敬止亭韻

賢仍肯構起新亭奕世家氈永葆青春露秋霜堪愴
惕塋楸邱栢俊精靈義旗緬昔心丹熱諫藁至今篋
墨馨從此三希臺上榭清風百世喚人惺

族弟孝源挽

多君遽學振儒風真實其心刻苦工如使假年充擴

去追將羣哲與歸同

墜緒茫茫復悵然
修文去作玉京仙
芳蘭寶樹交相暎
詩禮家聲賴是傳

與禹聖錫

成圭

李器汝

種杞

諸人舟遊洛江賞

花臺會者八十餘人
武夷九曲詩分韻得荒字
同舟泛夜月烟水浩湯湯
逝者夫如斯万折必東洋
湖山猶古今風物孰主張
伊洛接泗洙寤寐寓羹牆
前修遊賞地千載姓名香
媿我無勤力心田日就荒
賴有良朋在皓首共相將
芷蘭暎芳洲採採不盈筐
悵望何所思美人天一方
楚辭歌數闋悽悽空斷腸

江村鷄欲唱回棹復引鴈

舟遊後沿江登暎碧亭次板上韻

欣瞻檐記耀芳汀感舊餘懷即此亭牙老貽謨傳世
久湖山佳主得稱停

暎碧亭次器汝臨別詩

多年不見怒如飢幸荷重逢在此時臨別更論心上
設至精微處易參差

夫仁洞講舍

地是夫仁主亦仁慇懃鷄黍見情真山溪俗似鴻濛
世松老人將鷄比隣范氏義庄仍做舊藍田鄉約更

修新弗翁謨範今猶在寓慕先復講會頻

美岱盛才書堂

秋來多感八公巖遊賞其情不一端攀仰高風賢遜
邇行尋幽景我懷寬緣崖曲折疑無路擁樹葱蘢忽
有欄喜得苔碑先大讀肯令林壑等閒看

桐華寺

八耄鳩筇步入山梵宮蕭灑在雲間青年黃卷渾如
夢白首丹楓夏對顏物外遨遊堪子與寰中消息不
吾聞公山芝木多靈藥採採何須遽爾還

島峯齋

筇笻逍遙境轉幽依然慳秘此名區龍巖洞壑潏如
海鰲背島山勢欲浮堪把春絃兼夏誦夏聞樵唱與
農謳吳儂白髮諸君戒無使悠悠歲月流

卧龍亭

枯驢遍踏百千湍繞到靈區日欲西岫檻歡迎山近
遠懸崖斜八路高低尋真俗客何來晚遯世幽人已
卜棲遯矣南陽吾有感卧龍誰使起雲梯

山隔龍潭齋與崔勉菴

益鉉

同賦

禮義東韓五百年曙星孤耀見懸天相逢已晚多秋
感濁酒三盃手自傳

龜巖齋講會與勉菴同賦

需世範圍造道真高風百代去逾新
經經緯禮恆茶飯儘是當時第一人

李觀察

聖烈

莅府日送三絕詩卽次呈

玉節今來久仰餘民情歡赴水東如道行自是吾家
計奚事林泉獨善居

年曾未立別函遙鑽仰猶難况後前白首門生今獨
在恐將無聞負先賢

宣化堂高夜燭燄公餘不絕六經吟如何涵養本源
地長使清明葆此心

病不成除夕會拈春字賦古詩呈月村諸老友
翠律大德下有村曰上仁世居丹陽氏最愛風俗淳
各葆好襟期靡或設畦畛世情復齷齪滔滔越視秦
時余離故里棲遑迷去津邁軸爰得所邇來九回春
以之講舊誼亦復拚聯姻追隨數君子更喜接芳隣
杜中多耆老邵齡八九旬守歲悅樂堂濟濟整冠巾
茶果共挈榼真率味堪珍今我不樂何倏忽百曆身
年年此除夕此會矢永遵辛丑歲盡日偶爾有採薪
長夜頻不寐寒盟孤負人矧台懷舊居搬還在壬寅
徘徊患萬端忽忽未定神離情何款曲世路徒嶙峋

開心話平生莫如我朋親願言續前遊夏期後此辰
洛東精舍新成

功成惟在立心初從此羣英得所居却怕緒言將墜
地相招儕友共看書世間聲利緣因薄物外湖山分
不疎千古遺臺還自在無關氣數盛衰餘

禹楨默齋

啓東挽

講世聯姻共八旬於今夏喜托芳隣情歡有溢還如
淡言笑無多自若真百事做來隨遇忍一生受用滿
腔仁翛然仙化幽明隔攀紉西風淚濕巾

登達城

坐久荒城落照生無緣來去短筇鳴世居往蹟憑誰
問但見空臺礎石橫

次禹聖洪東範壽爵韻

寵恩昭代三階爵生色賢門一倍佳仁翁遺範今猶
在喜見重添錦上花

賞花臺觀漲

洛水悠悠百折東看來無際四望同觀瀾自有多般
衍破浪誰乘萬里風

贈別申鉉穆

晦仲

殘年始覺別離難幾日挽行幾夜闌却捲書帷歸塾

社且將耕笠換儒冠如今世界多聲利從古男兒惱
餓寒自有前人先獲我寬心何待酒盃寬

次尹文七殷普回甲韻

重回華甲歲寒時天器貞全是可知鳩杖佳賓來耆
老鸛衫進士戲嬰兒情歡談笑團欒席壽獻岡陵次
第庖餘慶君家无量祝雲仍長使享頤期

次禹文謙在東壽韻

生不偶然享六旬寅之人日是弧辰蒼顏白髮儀觀
美停鵠芳蘭福履新惟我清閒三聽老願言珍重百
年身滿堂爭獻無疆壽孝子慈孫與族親

金公純

純錫熙

甲宴韻

滿堂僚友環樽俎舞彩兒孫奉履巾願君享盡期頤
慶長使賢家此會頻

贈送徐仁圭二絕

舉世耽多萬卷書書無味處是蟬魚古來賢聖治平
術一部曾書用有餘

蒼山淑氣積千年鍾毓其間輩出賢愛爾丰英今十
四天生熙世豈徒然

臨齋先生文集卷之一

臨齋先生文集卷之二

疏

請萬東廟復設疏

伏以臣等俱以委巷腐質畎畝賤品雖足跡不履於
朝端言論不及於時政而幸生數千里禮義之邦蒙
被五百年培養之化所服習者詩禮也所講明者義
理也其於朝廷舉措之關係大義處豈敢以草莽
遐邇之嫌而不一言以陳於聖明之下哉嗚乎
皇廟停享今焉十閱春秋由茲十年之間未知風化
之得失果何如民心之憂樂果何如而自丙丁以還

吾邦之為尊攘大義將求有辭於天下萬世者其微
意果安在哉夫義理者為為天下國家者所大務也
義理明則人得以為人國得以為國義理不明則人
不得以為人國不得以為國故古昔帝王以扶植義
理裨補世教為第一急務今我 殿下上承 祖宗
下啓 神孫亦惟此春秋大義也家法相授道統相
傳有自來矣則臣等請究其說而申言之嗚乎天之
迫於氣數屈伸而有一亂一治則必生大聖人以擬
其時周室東遷而孔子生焉宋氏南渡而朱子生焉
春秋綱目其義一也洪惟我 孝宗大王當天地翻

覆冠屨倒置之辰以尊夏攘夷為已任弧矢鐵杖寤寐豪英而惟時同德之臣文正公宋時烈起自布衣契合昭融協贊謨猷庶可以雪漢羞而伸大義弓劍遽遺齋志莫伸嗚乎天乎先正臨沒之托在門人眷眷以斯義為授受之第一義諦而使之建廟華陽薦蠲饎于兩 皇帝至 肅廟 英廟仰述 孝廟志事而設壇禁苑並祀 三皇於是乎青丘一域獨保大明之乾坤天經地義賴而不紊民彝物則賴而不墜使我東人士知有尊攘大義不遂為夷狄禽獸之歸者其功直孔朱後一而已今我 殿下承受 祖

宗以為萬世心法之傳顧不在茲乎矧乎吾邦之于
皇明義為君臣恩猶父子 宣廟壬辰之變 神宗

顯皇帝動天下之兵竭天下之財以再造我藩邦肆
君臣父子夫婦下至鳥獸草木之微得去水火之苦
蛇豕之毒而永奠維席之安鞏固我億萬年不拔之
基而 崇禎丙子 毅宗烈皇帝又發山東舟師以
援之未至而寇退遂罷夫以海外侯邦而天子所以
愍惻而全安之者其鴻恩厖澤浹人膚髓如是其至
矣且 毅宗殉社之烈卓冠千古載籍所未有也吾
東含生之倫莫不沒世感戴於戲不能忘也嗚乎四

海化戎 九廟崩燬一片乾淨在我東主則公而壇
于上私而廟于下君臣上下各伸其誠用寓風泉之
感者蓋出於含冤忍痛迫不得已底意忠也其義精
禮嚴各有攸當未或有疊設之為嫌嚴敬之有欠則
壇廟之享固宜并行不悖垂之千億而無敢射患者
也是以 正廟傳教有曰家尸戶祝未有不可又

賜祭華陽書院有曰緣情義起俟百無疑又以 御
筆題額以表章之又有 肅廟之除付屯結 英廟
之畫付物力俱是崇奉之盛意出尋常万万也今我
殿下位 祖宗之位心 祖宗之心續麟經之大義

聞紫陽之名理而迺於萬東之廟撤而不復二百年授受講明之義果何所取徵哉茅屋昭王之祭是惟遺民惻愴之情郊祀天日之義竊付諸侯朝王之禮則壇焉而祭廟焉而享莫重莫嚴之儀各極其情而無有一毫參差之嘆所以列聖遵奉靡有間焉者為數百年之久矣而至於殿下而廢而不舉臣等竊惑焉夫民之好惡惟上所令也所好示勸所惡示禁示勸則有興而無廢示禁則有廢而無興今我國家春秋大義其非所以示勸而無廢者乎凡為皇明臣民者使萬東之廟雖遍置八域如素

王之廟莫或擬於僭而疑於瀆也山林講道之臣草
莽橫經之儒累陳復設之義於勤章懇奏之間者非
以是也耶近伏聞 皇廟復設之請先自 朝臣繼
有儒疏而 殿下以 慈聖處分有難遽議為批此
可見 殿下承順之至意也然臣等竊伏以為 皇
廟興廢所繫甚大 皇廟興則義理以明彝倫以定
使天下後世尚有以識我前日君臣之志而不淪胥
為被髮左袵之歸也伏願 殿下仰稟 慈聖廟揮
乾斷俯從一國之公議以明天下之大義焉臣等俱
以遐荒韋布何敢妄干時議出位論事自犯於草莽

倨侮之誅哉而特以 朝簪之上其論已發而仄聽
數月未聞有施行者則彝衷所激不容泯默千里跋
涉相率叫 闕伏乞 殿下淵然深思澄然省察萬
東舊廟特為重新於華陽舊洞長與夫大報 皇壇
崇奉於無疆之遠則臣等幸甚 國家幸甚天下萬
世幸甚

書

上梅山洪先生

庚戌至月九日

拜違教席已多日伏慕之忱寤寐不敢弛也伏未審
嚴洹道體起居萬安贊奎冰湖雪嶺徒步間關繞以

初二日返省僊茶不可狀日侍燕申之側一部曾傳
之所講質非不熟矣而今來旋復茫然試一翻閱其
疑晦殆十恒八九若未始有讀者計將幾時月溫繹
然呀為恨者恐終未有得得之亦安知十分真的得
耶且到得那時見朱先生所云這箇意思長長地新
也嚴誨之下不勝悚汗下付梧院書中俞著菴所撰
龍溪公墓表之謄送者無有云莫或見漏否餘伏祝
道體百福遠副慕望之誠

上梅山先生

辛亥元月廿五日

伏承進學之要說而顧此不雕之木功無所施不勝

悚仄所讀魚傳已畢而恐為學之無根基今反就讀小學以近立之年筋骸已固志氣偷惰果能一朝變化仰答教導之萬一耶

上梅山先生

辛亥二月二十七日

贊奎自違教席獨力偃偃無一分向上之功不進安得不退今承下教丁寧說與之意溢於辭表顧以愚陋無似何以得此於門下也竊伏念為學之要實不外大小學而烏頭力去驢跡不移終無以極力體認於本分上事所謂求知之難行之為難者耶

上梅山先生

辛亥十二月十日

雪庭拱掃殆數朔餘雖如小子之鈍根固滯惟晝惟
宵耳提面命之際自不無感發者存庶期修補愆尤
仰答至教而遽然拜違舊躬隨復滋蔓造次之間變
動無恒僅以因循怠慢之狀旋為苟且彌縫之態凡
此皆自誣誣人者也其何不竟與小人歸也蓋隨分
靜居劬書研理是何等至樂而若不到心口相應足
目俱臻之境則亦靡敢祗以依靠紙面粗辨名理遽
自信以學古入之道况如小子鹵莽又不克看得明
透得真者乎懼憂之極妄率及此幸垂一言活法終
始警策焉

上梅山先生

壬子六月二十二日

伏念先生年壽彌高神精筋力漸有所不逮者而四到酬接無有代勞以一應百憂憂其難朱先生所云捐書冊近醫藥為養病之急務者恐遵述之不暇幸少謝却凡為以葆養一元收蘊精力如何小子輩一喜一懼之私誠無閒於劬勞之地慕慮之極率意敢達莫無有佗懶怠教我懶怠之戒耶小子近以隣比不淨奉親移寓如是汨沒苦欠讀書之暇今承下教縷縷勉飭不以小子鄙卑而外之直令十分感激知所警省而旋復惓然愧無万一之仰答也近於侍瘳

之暇以朱書涉獵用作課日之資而恐無以窺宗廟
百官之義富何以盡得其地負海涵之盛耶小子於
去月始添一丁足慰親闈之望而但生之非難養教
為尤難也下教梅溪圖帖敢容少緩而畫未及就若
寬假數月當俟其成而趨卽伏上

上肅齋趙公

東憲○丁巳四月八日在頻時

大昨半晷承誨在山空水流之間有清迥蕭灑之趣
而其得之於觀感者尤多為事所迫忽忽還泮自媿
俗間忙子罔以久此樂也伏問日來道體起居若何
先師遺稿鎮日校勘苦無了期貽惱神用切伏慮

雨勢如此今日泛流之計將安出乎已艤櫂耶將留
俟晚晴耶贊奎躡步難於滑泥借乘亦無其所固克
躬往告罷然此遊如或可成敢不赴約而其未果者
夜雨江高浮泛乘危似難為矣且今日卽所謂黃面
子浴蘭之辰而俗尚掛燈認作佳節觀法之地如有
所事則恐為癡俗籍憑以旣望夏證期末知如何

上肅齋趙公

戊午三月旬日

向來陞秩瞻矜攸及莫不聳喜在門下謙謙素蹈雖
不以外至為榮其為扶持世教之道則豈不幸歟使
吾道之天不夜斯文之日再中後生晚進有所仰而

知所歸者罔非吾門下自任之責今日 聖眷之隆
敦教之勤寔副朝野想望而為門下擔負之重則益
彌重竊不勝公喜而私憂也贊奎欲掛儒冠作田夫
去耕於窮山大谷中永與世相忘而亦恨無山可棲
無田可耕祇自伏嘆所業近在義經而於陰陽屈伸
吉凶消長之妙無以覩得其一端誠徒讀而不知有
味在也先師遺集行將竣功不勝喜幸然羣居校剛
事在忽卒難保其十分精掃先師之盛德大業將徵
信於百世之下者惟此遺集一事豈非審慎處乎其
責亦擔在門下全稿百州餘丹夏加精校磨以歲月

務歸精簡如何

上肅齋趙公 戊午陽月念日

生之十八代祖達城君墓在大邱河濱鳳鷄山而世
久失傳蓋其地有一大墳人稱徐陵又地名之稱徐
陵洞田畝之謂達城貧歷歷皆可信獨表誌無證雖
欲歲一祭而為報本追遠之圖然將惡乎用其誠古
者宗子在他國猶設壇望祭孔子之墓弟子以瓴甃
為壇于前方六尺至漢易之以石推斯義也可設壇
于墓側而行祀事耶按亢菴先生設其先祖神位壇
而其記文曰禮經有去祧為壇榜標記之之文此不

可謂無於禮者云云而李陶菴記人祭壇碑引是說而曰先正已行之蹟可倣而行之是可為今日援證耶

上肅齋趙公已未至月二十四日

曾托就正錄校正間已了却贊奎之苦心卽存乎此者林進士配庠錄閱貞菴言行就質于金止菴為止菴所讚義採八狀德之編而亦載貞菴遺事焉出先師跋

貞菴言行錄中贊奎之所錄何敢擬此而但之言之行盡出於當日函丈之間而其中又或門下之亦嘗熟聞者有之矣故向於門下之覽是錄也有凄然不樂泫然

匪滋者也昔日鰲谷文之覽是錄也亦有是焉而間
有手正其本尚載在弊笥中嗚乎以贊奎之淺見末
學未能盡先師廣大之德業然就質而校正之則門
下何可辭止翁故事也

上肅齋趙公

庚申七月二十三日

贊奎工夫間斷義理難尋此為切已之病仍之有仰
質者人道心界分已判面貌不同則未可謂一心耶
人心之聽命而得正者無間於道心則是亦道心已
矣未可謂二心耶蓋此心未發之前虛靈之體一而
已及其發也知覺多端其用無窮生於形氣者祇可

謂人心而不可謂道心原於性命者祇可謂道心而不可謂人心則名目既異兩下對說豈可嫌於為二心哉此為一說又心一而已其用之多端無窮者祇一心之隨感而非別有各種子異根祇齊頭并發於一時者則曰道曰人其目雖殊不害為一心也此為一說也未知門下平日所講定何居

上肅齋趙公

庚申十月二十九日

昔日華藏之會論近思錄至程子生之謂性章韓立軒以性卽氣之性字看作本然愚及諸賢皆未之信及而門下亦不以為可後來以此往復於立軒而終

未歸一未知此性字之為本然有前言可據耶抑有
當句中別般看出處耶蓋生之謂性卽氣質上說而
性卽氣之性字不過連屬上性字說下來而以兩卽
字明其隨在氣質中此一句卽上一句之註脚而一
串文理也釋疑曰朱子曰此程子所以發明生之謂
性之說而以性卽氣氣卽性者言之也謂人生以後
方可謂之性言性時已帶氣矣性與氣不可分以為
二此性字乃氣質之性也葉氏所謂理因具焉是之
謂性者此以理言也釋生之謂性似不襯貼云云不
賡他說而卽此可較然矣立軒書有曰上一句只是

說氣質性之名目中間一句乃說出本然性墮在氣質理與氣氣與理之初不相離下一句結之以氣質性之由是得名其意若曰生之謂氣質性者以本然氣質元不相離理便即氣氣便即理此所以生之謂氣質性云又曰與道亦器器亦道文勢相類又引鹿門說為證而卒謂與門下一再往復爛漫同歸其為說非無畧畧其見其旨意之所歸而都是據補說本然氣質字而已初非此句之一串說氣質性之本意也何者既曰本然性墮在氣質則已為氣質性矣又何越上一層而曰理與氣氣與理初不相離云也既

曰本然氣質元不相離理僣卽氣氣僣卽理則此本然氣質相混說也旋又曰此所以生之謂氣質性云者何意也凡看文字須先看其立言地頭愚則謂此條大意若曰氣質性者性卽氣質氣質卽性故曰氣質性也蓋性已墮在氣質隨氣質善惡故也生字僣氣質而氣字已含生字意也若以下性字做本然則并與上性字同歸本然然後文理始順此其可乎哉且兩卽字卽性卽理之卽字道亦器之證恐不襯貼凡此章論性以本然氣質錯互為說然至其下人生而靜一句始說本然而其上皆釋氣質性而辨明告

子之意也未知如何

答肅齋趙公

庚申十二月十三日

性卽氣之性看作氣質旣聞教矣而近翕訓性卽氣
氣卽性之性是氣質之性十三字劈破無容他議耳
蓋理氣名義至微難尋今以五行言之水則寒火則
熱木則煖金則堅土則實水火金木土質也而寒熱
煖堅實是其質耶性耶性則爲本然性耶爲氣質性
耶水火異質寒熱殊性則似乎氣質性也而又寒是
水之當然之理也熱是火之當然之理也當然非本
然乎且更詳之寒熱終是氣也而所以寒熱者理也

上肅齋趙公

辛酉六月十九日

立言惠後非門下責乎古來聖賢著書之多無如朱子而朱子豈好著書也蓋不得已也使朱子而不言幾乎堯舜周孔之道不明于世千萬年將貿貿焉荆棘之域矣噫今日後生粗知義理之爲可好者繫誰之力也然則朱子一生辛勤著書至於充棟汗牛之富者猶且不足為多也門下其不諒此而每以無暇為辭而不自任耶環顧一世能真知此理此心不失道脉的傳者其誰也能真知節文儀則隨時損益不失其古今之宜者其誰也伏望諒察焉向拜時所教

中庸序虛弱知覺之專屬用一邊者愚見終未釋然
明示剖教祖喪中父以不承重云者要考增解其說
不無其據父已為祖後承祖重而死則不敢棄其父
已承之重蓋祖已傳父無重可承也且其父喪服陳
於鬻床以待其服盡則是父尚持服也何忍變父在
而子又代服以犯喪二主之嫌耶若題主則當稱祖
考妣而以孫某攝祀為傍註云者恐不悖於從正主
攝行事之意蓋已告父喪於前喪而不敢致生之也
若祝辭用痛苦摧裂不自勝堪之語亦不甚乖未知
如何此與母先父後父服母替其義可旁照耳若

祖先公而承重為可則父後公而服母亦可三年耶

上肅齋趙公

辛酉九月九日

顧今人物尠少世道日非獎掖後生扶植善流此衛

道扶世之第一急務雖荒陬賤鄉門地卑劣之人苟

以是心來伏望受以教誨益加辛勤使之虛往實歸

各充其量卒成人材如何先師平日用心之勤蓋與

人為善置天下於同胞伏想門下亦遵而勿失矣近

齋先生集有曰長子冠而未娶者既服斬衰而不立

后以既冠也服長子服以無妻也不立后各有攸當

答李善長書

此恐未知如何夫為長子斬以正體於上又

乃將所傳重也正體而不得傳重則不為三年禮經明甚今冠而未娶者無妻而不立后則無傳重之可言而猶得服長手服者何也新陽任丈之服其子以期是門下所與講定豈非得宜者乎

答肅齋趙公

戊辰三月

贊奎居喪不能盡禮而疚瘠自爾成痛刀圭不離於側愛生既如是矣並與講讀之事倚閣一邊內負庭教外違師訓恐不免為天壤間無狀之人哀懼奈何有一伙達事閭揚先美以為不朽之圖即人子滿堂大願也先考幽堂之誌未成矣爰時眷覆之誼不揆

僭越之嫌具家狀紙幣先此替疏納于臯比之下百
拜仰請焉昔先師請妣夫人行狀於性潭也有曰知
其子必當念其親愛其人必欲成其願此今日贊奎
所仰望於門下者而替書告謁既有先師已行之事
或不至甚悖否下示有私室席藁杜門謝客之教此
固門下自居之義得空而至若不敢名於書詞則恐
過矣今日贊奎之請誌也恐不必以是爲辭朱子於
陳衡墓誌有曰方以負罪杜門俟譴朱子於是時副
人家墓銘可知尤翁作文各墓銘亦在俟譴中矣下
諒如何王彥暉子安既卒哭墨衰走謁銘於朱子贊

奎將以此援引擬作門下行矣

上鼓山任公

憲晦○己未至月廿四日

臨齋是先師命名也伊昔侍函丈日舉誦上帝臨汝
毋貳爾心之言命此二字且將為記以賜而竟未果
焉先師之有意未就者吾丈其辭之乎幸賜為記以
為朝夕觀省警策惰闕之志如何生之臨齋登山而
在乎山入水而在乎水朝於此而在此暮於彼而在
彼隨吾身所在而無往非臨齋則及爾出王及爾遊
行者正此也不欲以臨齋著於一山一水一定之地
也此記不於吾丈請之而將於誰乎先師之於文丈

有請優副文丈之於爲贊奎獨不得如是乎以文丈
當日仰請之苦心度之則庶可以諒此矣

往年華藏之會肅齋趙丈書贈梅南二字而舉道南
之說誦之其意蓋勉而進於是矣吾丈不發揮而復
誰爲之贊奎非敢居然以此意爲望然若從僉文丈
後有能卒志業則亦安知非今日文丈之賜乎幸賜
一言以記之用作警省奮發之資

答鼓山任公

庚申七月廿三日

龍石亭記既有教矣未敢以不文爲辭僅茲搆呈不
堪爲具眼之觀真可愧也贊奎看讀不續義理無灌

行種壇而趨汚下區區矢願亦豈草草廓落無成莫
副初心奈何

上鼓山任公

癸亥元月

十六言之允執厥中看作功效恐無可疑蓋中自在
事物上精一之餘無適非中中不可執纔欲執之便
不是自然之中矣聖人時中之義豈然乎哉然則其
工夫在精一而允執乃其效也朱子大全雜著大禹
謨此條下及答蔡季通書又孟子子莫執中章集註
程子說可攷耳然堯之單言處文文欲兼工夫看其
意似備而愚意則并此欲專屬功效者蓋其精一之

工先在不言之中耳

答鼓山任公

癸亥至月十日

聞有弄璋之喜蚌珠可愛瑞靄盈門生且旣易則在
文文教何難哉七月榴花能結子甘酸成熟未霜前
此文文詩所以先得其兆重爲之仰賀無窮今歲年
未登此時醉石亭上餐秋菊之英否雖在常年但聞
有書聲不見有厨烟况如今之日屢空之憂何以堪
之韓立軒今遽云公慟悼不勝言問學之博氣像之
豪何處復得來也先師遺集之役其苦血所在竟未
見就必有九地之恨

上鼓山任公 乙丑三月

伏聞間被敦召又有陞秩 朝家之所倚重如是
文丈之所爲任彌重將何以仰答 聖眷裨補新化
也當今最先務惟枉勉 聖學一事已矣 聖學高
明然後世道可復振也古人雖謂身未出則言亦不
出然若并與其言而不出不幾過於忘世乎且論事
與勉學其言自不同章奏之間洗陳言而用活法使
一出言而 聖上好學百官好學以至一國興學如
何

上鼓山任公 六月九四日

近得門下請復萬東廟疏讀之簡暢剴切炳如日
星先生天下士矣天下後世永有辭乎噫吾東之秉
此義講此義百世如一日忠臣義士其必有為君
父言之者而尚寥寥焉者其亦觀世道矣贊奎親老
貧病年又大飢餐松飲水何堪其苦忍飢讀書聲出
金石此門下陽剛攸稟如贊奎之以穀為氣血者無
是便餒耳

上鼓山任公

丁卯二月

近移邁軸於太華山鳴珂洞云是固出於遯世無憫
之意然自去秋以來舉世波奔便成惠好同歸其氣

像甚不佳此時君子動靜動為人則門下孰等亦豈
無慮及於此乎哉但贊奎之迷見不能不一陳於吾
門下也是亦小腹之度耶洋變之後彼寇之凶悖厥
術之邪妄綻露無餘從以鋤治餘孽邪正已判 國
家之福吾道之幸也然海氛尚有餘虞人心尚有餘
悖此時陰雨之備苞桑之戒恐不可已也明正學嚴
武備是第一策未知 朝家處分竟何如也前日韓
處士以邪學爲憂每書及之訪以良策愚以養兵之
說爲答矣在今日不可謂無驗且以方今之計不但鍊
兵又有一急先務者夫子之訓節用愛人此万世爲

邦之道也

上鼓山任公

辛未四月

崩劣世情去益似三千弱水而晉濟慈航疇誰聊賴
皇廟不復清泉大行莫無天津消息否大讀春秋書
繼以先師警俗文一篇則知所處義而此義難與世
人道也門下亦應有寤歌永嘆

上鼓山任公

癸酉臘月八日

春者拜往年六月賜書及下惠先人墓銘伏紙感泣
罔知所以爲謝也世之人得宗師之筆欲壽其先懿
者積苦誠血果何如而猶得之者蓋鮮矣願贊奎何

人有請得請也眷念有加德意既浚恩結幽明人子
難忘固當卽進函席有拜告謝而草土餘生夏嬰賁
疾夏秋貼席冬又未蘇強策登程勢所未由姑俟開
春暖和之節然未前惶縮之私固萬萬無容自明雖
以門下大度詐望其燭怨終始也

上鰲谷洪公一純
○士子六月二十二日

每以世道民憂為憂有若撻市納溝真古人所謂雖
抱道不試然其心未嘗忘當世者也顧今教化日遠
風俗日淪得人導化此為急務雖百里之任賢者苟
不以爲小其何不回淳返樸偕底大道乎放門下竊

有望焉

答鰲谷洪公乙卯至月十四日

嘗玩門下難識一篇直千古授受正脉之攸繫也何者使世之人於天下之理皆有以見其真得其正則此篇可無作而顧今學術分裂異言喧阗不容不汲汲乎著書明理為後來冥道點炬豈非門下之責耶近齋先生集蒙此遠惠畱作不忘之感當有書於朴令姑俟續僂耳先師語錄一冊曾有呈納間果披閱否記錄之誤從古常患而如贊奎者鮮不達意尤多致錯幸細垂訂校俾成完本斯錄也廢門下校正何

以就精雖記之者贊奎而言則非先生之言乎門下
計應有所感而亦不辭矣

答鰲谷洪公

丙辰四月二日

門下之於贊奎豈以虛譽施惠乎每奉下書往往加
之以不敢當之教知雖出於誘進後生之至意然恐
亦非對症發藥之道贊奎質本鈍劣從以汨沒流俗
靡一毫近似於此事其不能逃醜於水鏡之照明矣
而無所繫及何也愛之欲生固先去病病將痼矣為
之奈何

上錦谷宋公

來熙◇辛酉四月既望

平生一拜之願寤寐如結向來數日承教稍足為慰
況序集筆紙與夫諄諄乎為學之方固非畢生所寶
玩而服膺者則自顧萬不似何以得此於門下感喜
之極繼以悚縮伏惟間來道體若何贊奎自藍田今
將南還而為觀鷄岳方且轉向夏不克進承旨誨瞻
望衡泌徒切慕義之私謹替尺素用伸起居之禮

上錦谷宋公

壬戌四月九日

往年得拜門下穩承警咳諄諄德意藹然如春陽煦
物自覺鄙吝消而良心發大君子及人之盛固如是
矣而居然告退匝歲阻候區區慕逮之私有倍於未

拜之前伏惟肇夏多雨道體頤養神扶万旺伏聞春
間擬行鄉飲禮果行之否斯禮也盛舉也姬周之遺
法也庶幾四方風動成教於國伏庸贊嘆而第不得
從介俟之後與睹三讓之儀是為恨贊奎兩親年皆
七十有二以無兄弟之相將實難少須臾離側從此
遠遊更無其日矣橫經臯比之下更瞻光霽之像其
誠非不類結于中而奈緣私計之莫以自遂何哉手
書所賜黃勉齋八字語擎玩心畫如獲拱壁揭諸座
右用作昕夕顧諟之資然而心地不能真實工夫不
能刻苦優遊因循視為程課不直負心之為可哀重

以違門下獎勸之至意尤不勝愧懼伏幸對症投藥
痛加鑄誨則敢不警惕奮發奉以周旋耶當今斯文
世道之責專擔負於門下矣謗掖後進扶植善類延
一緒於將墜非門下自任之重耶鄙薄愚騃如贊奎
者亦欲供掃門屏熏沐餘光不遂爲君子棄而小人
歸也願門下勿謂其不足與有爲視作爐鞴中物開
示路逕俾免謫墮焉居常憤悱臨書發歎屑越知罪
耳餘伏祝道體百福以副士林之望

上守宗齋宋公

達洙○丁巳十月廿五日

仲夏之日納拜館次寔出一生景仰之餘而猥蒙不

鄙枉屈巾几致使蓬藿增耀仍之陪遊於万水千山
中觀幽淡傑特之像驗流峙動靜之妙無往非助心
之趣然少恨者為積憊所悴道塗次舍輿馬杖屨之
間其質難講辨未能十一於百千真所謂只見伊川
面者也尋常德義之慕何日夜敢忘嘗聞晦父孔子
後一人尤翁晦父後一人欲學朱孔先學尤翁可矣
尤翁之道傳於門下欲學尤翁者捨門下其誰適從
耶士林之仰之也朝家之禮之也不啻鄭重而敦
召類仍諭教諄摯至以文正老先生之際遇於
先王者仰勉於門下今日門下擔負之重何如而扶

植世教誘掖後進亦豈非門下自任之責耶所以至
愚極駭如贊奎者願廁灑掃之列以受爐鞴之化而
窮居奉老百爲咸萃決然遠遊勢所未由其將終於
無聞遂爲下流之歸耶是門下所矜憐而垂念者也
伏幸特賜提牖痛加鑄誨俾得以感奮警惕不虛作
一世人也敢不奉以周旋用答嘉惠之至意耶區區
所以求教於門下者非敢爲備例請益之計伏望哀
其情而恕其僭焉全友錫鳳又作負笈之行其至誠
大勤令人歆歎莫之與偕不勝悵悵

答韓立軒運聖○壬子至月八日

向於悲撓中多少奉誨靡足慰積仰餘悰歸來頌仰
罔敢自阻際被令胤歟靡仍承袖裏崇絨寒暄之外
親切誨諭眞不下一拜也尊旆利稅體內不以撼頓
而告愆自是道力凝長氣和葆叅不任攢賀贊奎生
也後奉筭周旋已不及先生盛時年來始得自命於
事一之列冀遂朝聞之願而坐於根基不固才力短
疎門牆未窺谿逕莫尋然酬恩報義究命卒業之計
寤寐中心實非餘人之比嗚乎今不可得矣碌碌餘
生張張安適華陽夫子雅言儒名者千而求道者一
求道者千而知道者一於斯訓自不覺痛發深省惕

然靡安固欲真知斯道而力莫能與也奈何

答韓立軒

甲寅六月七日

正修章有所之有作做病者恐無容他疑及承示教益覺較然然鄙說之多少紕繆反致聽惑淡愧不的之見說得未瑩夫念樂憂懼等四者之做病有三項曰事未來而先有期待也正應事而有所偏繫也事已過而猶有畱滯也是已鄙所謂人所不能無而此以有爲病則謂其當無之時而有之者云者是從畱滯病上說也豈以當無之無謂相對於有而不思夫繼着之字之意也耶當無而有之則是爲病於畱滯

也烏可同歸於平說不做病底有字也又鄧所引朱子訓雖姑就期待一病上說而不害爲有字之做病看如欲備說則當兼舉期待也偏繫也畱滯也三件然後乃可矣俯教中蓋雖有於當有之時而纔有些少偏繫者皆可謂有之也云者亦非只就正應事時有所偏繫之一病上說者耶更乞明教

答韓立軒

戊午八月廿八日

魯連海上乘夫子桴於以酬夙昔之願而又得奉履於日月古池解携於圃老遺墟曠感嬰懷聚散增悵示教上下脣吻暗中齟齬是吾文盛名之所由致德

益隆而名益高名益高而毀益至世間毀譽之從出
於許多不齊之口有何加損惟吾心空蕩視之以太
虛浮雲已矣

與韓立軒

庚申三月廿四日

近閱近思錄至程子生之謂性章却憶藏寺之會吾
丈以性卽氣之性字看作本然今復細心推究終未
信及蓋生之謂性之性從古諸儒旣以氣質性說破
更無容他說而其下性字不過連屬上性字說下來
且下得卽字以明其墮在氣質中而與氣質善惡也
又上下看生之謂三字則一串文理復奚暇及於本

然哉

與韓立軒

辛酉二月六日

性卽氣之說向蒙勤教而恥未及仰復愛陳瞽見請
畢其說此章已多先儒定論而守夢釋疑及老洲諸
說未或以本然為言且近翁答東園李公書五丹九
之十六
板有性卽氣氣卽性之性是氣質之性十三字劈破
無容他議耳看文只看立言地頭此劈初頭生之謂
性性字卽氣質之性則性卽氣之性卽其註脚也卽
亦盛論所云解題也奈何別尋一岐插出本然二字
以生窘瞽耶盛論曰中間一句乃說出本然性墮在

氣質理與氣氣與理之初不相離云旣曰本然性墮
在氣質則已爲氣質性矣又何起說以理氣之初不
相離也盛論曰以本然氣質元不相離理便卽氣氣
便卽理此所以生之謂氣質性云蓋本然氣質雖不
相離亦不相雜意欲以不離故生而爲氣質性云爾
則其不雜者生而爲本然性耶其說崛峻未見其文
理之唱和通暢也愚則以爲此條大意其意若曰氣
質性者性卽氣質氣質卽性故謂氣質性云生字便
氣質而氣字已含釋生字意也何必謂氣質性卽氣
氣卽氣質性使之不成說耶大抵以本然言之則性

雖寓於氣性非卽氣氣雖具此性氣非卽性而特生之謂性而曰性卽氣氣卽性者蓋性已墮在氣質隨氣質善惡也且兩卽字卽性卽理之卽字道亦器之證恐不襯帖幸夏教易以吾丈杜門自守無意於世猶有知之者入於道刻中此世亦可見公議耳不勝相悅之至

答韓立軒

辛酉七月廿六日

示教每以邪教為憂可認其衛道闢異之苦心血誠從古異端之為患何限而豈有如今之極恠極變也動兵以脅之邪說以幻之卽欲驅率一天之下而置

之禽獸之域其亦不仁之甚者而尤其不忍聞者必
使染其邪術者先絕其祖宗父母之報祀卽此一端
雖至蠢極愚如木石頑者元無可惑之事而惑之直
狗彘之不若也自有燕騷以來舉世涵涵若將彼賊
之朝暮且至動心於格福奪志於死生於攻斥一事
氣已消磨愛不爲異恬然自常噫其將駸駸焉胥溺
而後已耶不但抱書無歸之爲可歎吾輩畢竟死無
所矣爲今之計莫若罷科舉之法科舉不罷則士趨
幸難歸正而道無
所施修薦舉之規而用復賓興之制上自國學下至
州郡校院閭巷齋塾明之以君臣父子之倫教之以

詩書禮樂之文使之修己治人教化斯民為主嚴辨
邪正明示好惡則邪教潛蔓不患其熾而自撲自滅
且陰雨之備亦不容無爲修鍊兵務整頓軍伍度可
以緩急相須之計也夫病劇則息所以對症投劑可
也豈宜斂手遑遑以俟已也

答韓立軒

辛酉五月旬五日

虛靈知覺之貫動靜而兼體用愚見亦嘗乃爾蓋虛
霸者知覺之存於未發者知覺者虛靈之著於已發
者而靜體而有能知能覺之固在矣動用而有應物
無跡之本虛矣已多先儒定論而愚於此必欲兼體

用者者亦此意也。非若程勿齋之初不如此開破而直說是體是用。若虛靈之無與乎已發知覺之無與乎未發也。然勿齋之意亦豈曰體虛靈而無知覺用知覺而無虛靈耶。但語之不備。所以來農翁之斥耳。今溪丈之專屬用一邊以人道心之皆從發用處立名而盛教亦然。然細尋朱子立言地頭。則將劈說人道心兩般名目之由而推源其本。特曰蓋嘗論之心之虛靈知覺一而已云爾。則此處不害兼體用看。而其下單言知覺則始可專屬用一邊也。同春以虛霸知覺皆屬體。見今日專屬用其相反又何如哉。

與蘇仁山輝冕○乙丑十月十四日

藍牙文席臨會也想有多少講難而聞以中庸首章
第四節尤翁謂在於戒懼慎獨之後者分明以君子
之用工者而言非謂人人皆如此也先師與李拱五
書亦如尤翁說而吾丈力主之果否如尤翁說則其
義似別然恐非子思立言本旨子思於此只管分別
中和而已初非指用工之君子而言故朱子答呂子
約書亦曰不若放下只白直看子思說底須知上四
句分別中和不是說聖人事只是汎說道理名色地
頭如此下面說致中和方是說做功夫處而惟聖人

爲能盡之語類蕭佐錄亦曰謹獨是結上文一節之意下文又自是一節發明中與常行之道恐當以朱先生兩說爲定論朱子先師之先師也尤翁之先師也則信其師之義亦在是耳

答金重庵

平默○乙卯五月念日

漢上同舟執手踟躕人間別苦此日最多居然一阻已閱三霜懸沚之衷恆切憧憧前者惠書得於周年之後而今茲修謝又未知閱幾歲月而登照也一書之存如是其難矧伊面乎臨齋記發揮命義之外有多少施誨息至則讀不覺忘字之爲遙非高明見理

之精忠告之切曷能道得乃爾滿心鑄感罔知所以
爲謝謹問療煖經體百重日用功夫近在甚事義理
自無窮日臻精微透幾重之玄關也念昔江上進立
雪庭退資麗澤上馬而帝王治謨賢聖旨設下馬而
民物風謐百家羣藝靡不說來說去傾倒淋漓自謂
世間至樂無有易此者轉眄之頃邈若曠古江漢之
魚自不禁悒悒于中贊奎過月戾洛今始尋鄉而立
馬渡頭孤舟送行恍如昔年恨無高明在也各距參
商會合何時幸以鱗翔之寄用存次面之義

與崔勉菴

益鉉 ◇ 辛丑

台慈嶠南遊覽天借好便並世寅緣幸遂既觀之願
而但數日凌遽飲禮講會未免應文之歸至於天人
性命之奧師友相傳之設時事語默之義未或一辯
及之以究其微寸筵之不能發洪鍾巨音事勢固然
而恐夙生血暈未克洗却腸肚至此而止耳歎歎曷
旣伏惟道體如何新寓冷落果無慮否贊奎年來癘
痼轉鈍長作床第上廢物而聞僂驚喜畧茲替伸

臨齋先生文集卷之二

